

大乘集菩薩學論卷第一

法稱菩薩造

集布施學品第一之一

我聞地獄大恐怖 無窮猛苦鎮燒然  
謂昔曾無寂靜心 故樂多聞親大法  
聞已遠離諸罪惡 悔先所造盡無餘

義於善利未嘗獲 斯少分中幾減失  
菩薩妙樂勝無盡 唯佛具證平等理  
希有難思法寶中 願樂刹那聽我說  
三有所來成就主 龍天八部諸眷屬  
咸生渴仰起慈心 歡喜諦受安隱語  
如來正法及佛子 善入佛成所生身

我今集解大仙言 編樂投誠恭敬禮  
我於往昔無少解 無教無言非善巧  
亦無利樂及含生 唯自一心爲法友  
然我意樂清淨法 爲令長養諸善根  
如我等比覩斯文 於義未習應爲說  
論曰謂欲成就士夫義者於剎那項具足難

得若不思惟是安隱處此正等行當云何有  
如華嚴經云善財於勝熟婆羅門而作是念  
得人身難脫諸難難得無難難刹那具足清  
淨難值佛出世難諸根具足難聽聞佛法難  
得遇善人難逢真實善知識難受如理正教  
難得正命難

論曰此若干種正行知已若有大士如是觀  
察我意於他脫諸苦怖不樂己身斯何殊妙  
唯護尸羅盡有情界拔諸苦本希妙樂行堅  
菩提因發堅固意不壞信根如寶光明陀羅  
尼所說偈云信順諸佛及佛法亦信佛子所  
行道信於無上大菩提菩薩以斯初發心信  
爲先導功德母長養一切勝善法斷除疑網  
竭愛流信能顯示安忍行信無濁染令心淨  
棄除我慢恭敬本信如淨手攝持因七聖法  
財無上行信能一切歡喜捨由信喜故入佛  
法是信出生智功德隨佛所說皆通達信根  
光淨極鋒銳如實永斷煩惱本信力堅固無

能壞唯一諦信佛功德信於烟應非相應刹  
那遠離諸染著信能超出諸魔境顯示最上  
解脫道信爲不壞功德種謂能增長菩提苗  
信爲出生勝智門應現十方諸覺者若常信  
重於佛寶非戒非學皆遠離若能遠離非戒  
學是人深讚佛功德若常信重於法寶則聞

上二

佛法無厭足若聞佛法無厭足於法信解不  
思議若常信重於僧寶則於淨衆無懈退若

於淨衆無懈退則於信力無能動若於信力  
無能動則得諸根淨明利若得諸根淨明利  
彼人遠離諸惡友若人遠離諸惡友爲善法  
友之攝受若善法友攝受已則常脩習廣大  
善若常脩習廣大善則得成辦大因力若得  
成辦大因力被人信解最殊勝若得信解最  
殊勝即爲諸佛常護念若爲諸佛常護念則  
能發起菩提心若能發起菩提心於佛功德  
勤脩習若佛功德勤脩習則得生在如來家  
若得生在如來家於著無著俱解脫於著無

著解脫已則得深心信清淨若得深心信清  
淨則得最上最殊勝若得最上殊勝已常行  
深妙波羅蜜若行深妙波羅蜜則能悟入摩  
訶衍若能悟入摩訶衍則知如法供養佛若  
知如法供養佛則得念佛心無動若得念佛  
心無動則常觀佛不思議若常觀佛不思議

於佛無生無所住若佛無生無所住則知是  
法永不滅

論曰是中初發信根功德廣大無量於總聚  
中少略而說又諸有情異生生身等於如是  
法難生信解若深心清淨植福資糧是信因  
力得住十佛刹微塵數衆生劫受諸妙樂勝

上一

善福報於如是法當生信解如十法經所說  
偈云信爲最勝乘運載成正覺是故信等事  
智者應親近若人無信根不生諸白法譬如  
燃穀種亦不生芽莖又大善誘經云今時如  
來勑阿難言於信法中如其了知應當奉行  
論曰行是信者於剎那頃得信根堅固即菩

提心堅固而能攝受一切福報如師子王所問經云余時星賀那太子白佛言世尊云何

令諸衆生在所生處常得愛樂攝受諸法佛言欲解脫諸衆生者常生謙敬發菩提心是則名爲常得愛樂攝受諸法又如華嚴經云善男子菩提心者猶如種子能生一切諸佛法故菩提心者猶如良田能長衆生白淨法

故猶如大地一切世間所依持故乃至菩提心者猶如慈父訓導守護諸菩薩故如毗沙門能斷一切貧窮苦故如摩尼珠成就一切諸義利故菩提心者猶如賢鉢圓滿一切善希求故如獨鉛杵畢竟能摧煩惱冤故猶如

正法能斷深心諸作意故猶如利劍能斷一切煩惱首故菩提心者猶如利斧能伐一切諸苦樹故猶如兵仗防禦一切極苦難故猶如釣竿於輪迴海拔衆生故如大風輪能疾飄偃一切障礙雲霧草故菩提心者猶如聚林積集菩薩諸行願故如佛塔廟一切世間

天人阿修羅等所尊重故善男子菩提心者成就如是無量殊勝功德

論曰云何復知諸異生等發菩提心是中引聖言量非一經所明如維摩詰所說經云雖起身見如須彌山猶能發起大菩提心生佛法矣又寶篋經說此異生菩薩義云佛告文

殊師利譬如迦陵頻伽鳥鷄未出卵時已能作於美妙音聲文殊師利是菩薩亦復如是雖未斷我見不出三界處無明殼已能作於諸佛妙音所謂空無相無願解脫等音又隨說諸法經云余時勝慧菩薩於地龕中入涅槃時於大城邑而獲受生彼於空性信解作

上

四

對治故又入定不定印經云佛告文殊師利云何名羊車行菩薩譬如有人發過五佛刹微塵數世界是人乘彼羊車隨路而去過久遠世行百踰繕那遇大風輪以是緣故却退八萬踰繕那後是人於彼世界乘是羊車乃至不可說不可說劫能越一世界不文殊師

利言不也世尊佛言若大乘者發菩提心已不應受持讀誦聲聞乘教或與諸聲聞共住脩習於聲聞乘或自深心爲他所教於如是乘乃至悟解得彼智慧以是緣故於無上道即便退失是菩薩於菩提心所得慧根慧眼彼悉破壞文殊師利我說是名羊車行菩薩

論曰若菩薩愛樂大乘信解空性於信解行而獲圓滿此聖言量唯信解行菩薩見如是事如寶雲經說以無數總持三摩地門神通遊戲解脫智明無邊法聚平等超越一切愚夫行報乃至後際不爲利養於俱胝劫世間所得受用貧具心無貪著亦不分別如蓮華敷具足莊嚴又於無量百千俱胝那庾多劫安住大乘照了勝義福智資糧希無減失於其出離先所脩習百千相應行門皆悉具足論曰云何了義謂初發菩提心者說住此地不了義者少分標相得無疑惑此聖言量信解行法所生言義如中廣略了信解行復次

### 樂得無厭捨

論曰是中菩提心者謂勸發大悲歡喜敬愛義故若不依如來教中相應是人無有出離此菩提心見可呵厭如是不名發菩提心者如十法經云善男子若諸菩薩體性發菩提心時得值如來及聲聞衆教化勸發阿耨多羅三藐三菩提心是名最初喜樂發菩提心相若聞說菩提及菩提心已即發阿耨多羅三藐三菩提心者是名第二喜樂發菩提心相若彼衆生無歸無救見是二種住大悲心乃至發阿耨多羅三藐三菩提心者是名第三喜樂發菩提心相若見如來衆相圓滿即

如來祕密經云尔時阿闍世王白佛言世尊佛菩提心當云何發佛言大王謂深心不退王言世尊云何深心不退佛言大王謂能發起大悲王言世尊云何能發大悲佛言大王謂於諸衆生不起厭捨之心王言世尊云何於諸衆生得無厭捨佛言大王謂若不著已

生敬愛乃至是名第四發菩提心相

論曰菩提心者此有二種一者願菩提心二者住菩提心如華嚴經云善男子復有衆生於衆生界願證難得阿耨多羅三藐三菩提復有衆生住是難得阿耨多羅三藐三菩提

提心

論曰一者願證作佛一者願住受生又首楞嚴經說因於某甲佛所發菩提心云何復作少善根耶如賢劫經云昔星宿王如來於施音如來所初發菩提心時爲牧牛人以躡步羅葉施彼佛故無量名稱如來於電光如來所初發菩提心時爲織氈師以上妙衣施彼佛故燄光如來於無量光如來所初發菩提心時住城邑中以草燈炬施彼佛故難勝如來於堅固步如來所初發菩提心時爲採樵者以少齒木施彼佛故功德幢如來於妙吉祥稱如來所初發菩提心時爲攻醫師以一養摩羅果施彼佛故

上

論曰此初發菩提心非滿足行此呵厭事猶能解脫輪轉得無量樂如慈氏解脫經云善男子譬如寶名曰金剛能斷一切貧窮苦故善男子此一切智心亦復如是能斷一切輪迴苦故

論曰唯此發菩提心者得近彼果應如是知

又善諫經云佛言大王汝若謂多種作中能多種作者未若我一切行中行一切行一切處中利一切處謂學布施波羅蜜多如是乃至學般若波羅蜜多大王是故汝於三藐三菩提亦復如是樂欲發生淨信意願利他行住坐卧若夢覺時若飲食時而常具足隨念作意觀察諸佛菩薩聲聞緣覺諸異生身等積集過去未來現在一切善根稱量已和合已應隨喜者而自現前隨喜乃至徧虛空界徧涅槃界亦自隨喜又復隨喜一切諸佛菩薩緣覺及聲聞衆供養事業平等迴向一切衆生乃至令諸衆生得一切智智普皆圓滿

諸佛善法日日三時迴向阿耨多羅三藐三菩提大王汝以如是正行得名王者不捐寶位求菩提行亦獲圓滿說是報者大王汝於彼時由發菩提心故善根業報經無量數常生天上於諸天中作天帝釋或生人間爲人中王大王唯一發菩提心善根力故餘無別

土一

業應知圓滿或未圓滿以要言之佛言大王唯一發菩提心者救度一切衆生故解脫一切衆生故安隱一切衆生故究竟令諸衆生至涅槃故得生無量無數諸善根故大王復何說是多種作中能多種作耶

論曰此菩提心行相者經說過現緣起如是

薩未能學故應知此二種偏諸學處又一種學於成就作用不能學故雖不脩習亦無過失無盡意經云行廣大布施時捨淨尸羅不爲懈怠以先未說亦不集行如力親近故又十地經說設犯欲邪行戒惑染輕微由樂菩提心故舍利子說菩薩別解脫戒成就四法

願菩提心說入何地菩薩得戒有云九地靈空藏經云名聞利養是諸罪本十地經云說地中於彼利養無有少分親近希求若諸衆生來至我所一切所須倍多給與

謂是菩薩於脩習中得真實語舍利子若善男子善女人發阿耨多羅三藐三菩提心已志樂精進勤求善法習諸議論堅持禁戒於菩薩學具足脩習由親近於他如是戒學或時違越輕毀師尊極慚愧故起大怖懼彼復相應復說生如來家決定趣向成等正覺又

虛空藏經說聲聞乘而不能得如是唯除樂大乘者如最上授所問經云是慳嫉法正說名縛具表此學說極喜地遠離我想我孰不起云何復執一切所須如說施頭目等

於諸佛如來現前戒學發生樂欲正行應別授學彼或無有善知識者向十方現在佛菩薩前專念作觀隨力稱量已堅持是戒勿復欺詐十方一切佛菩薩衆及彼世間諸天人等正法念處經說先少思惟已後競不施墮餓鬼趣語已不施墮地獄趣況復無上菩提

上一

具足許施無餘世間諸衆生故如法集經云善男子菩薩應當尊重實諦何以故善男子以集實諦名爲法集善男子云何名實諦若菩薩發阿耨多羅三藐三菩提心乃至棄捨身命不捨是心不捨諸衆生故是名菩薩實諦若菩薩發阿耨多羅三藐三菩提心已復

如是於諸衆生未度者令度不應但脩捷語利辯乃至而不勤脩多聞精集諸善菩提分法彼菩薩者則爲虛詐諸天世人如先佛說是聖所呵厭於智大智無上勝智俱極難得是故當知菩薩不應但以語言虛詐一切天人世間復次海意或有人來勸請說法施作義利時彼菩薩隨言爲說乃至棄捨己身脩菩薩行不復虛詐一切衆生當如是知

大乘集菩薩學論卷第一

九末

土一

大乘集菩薩學論卷第二

土二

西秦譯經藏鑒真錄卷之三  
光緒丙午歲夏月  
大藏院住持  
等奉 聲

於後時棄捨是心及捨諸衆生者是菩薩爲大妄語實可呵厭又海意菩薩所問淨印法門經云佛言海意譬如世間若王王臣欲餉一切城邑人民集已棄捨若飲若食不爲辦設於諸人民則爲虛詐而於飲食少不可得高聲呵責忿恚而出佛言海意是菩薩亦復

大乘集菩薩學論卷第三

集布施學品第一之二

論曰故知自力所集隨其行相於一善道亦應守護如地藏十輪經云如是十善業道佛所證果若不真實守護一善業道乃至臨命